

Te taata to a, e ere te Tavana e te haaya, o tei hanaaro i te hoe hohoa o tei nei vaa, auau mai ia e 3 farane no na avae e torn.

Faaui mai ia Tepito te nei parau i Papeete.

TE VEA NO TAHITI.

Ei haaparare raa i te parau rii api e faufaa hiai to Tahiti; e neia i te mau mahana maha toa.

O te feia hoo taao, e te mau taata e haapao i te tau raa taao, e tia ia ia nenei atoa hia ta ratou mau parau faaite roto i teienei vaa, ia auau mai ratou 1 farane no te rene hoe.

Faaui mai ia Tepito te nei parau.

Ha a riarira rahi i rave hia aenei i Papeete.

HUTONA I TAPARABI HIA.

I te mahana toro i mairi aenei te 19 no feppure, na bitimaue riarira roa to Papeete nei, te papaa e te taata tahiti atoa, i te ite raa e, ua pohe roa o Hutona, taata hoo taao i Papeete nei, ua motu e tona arapoa. Ua manao hia hoi i te matamua e, nana iho oia i hanani ino; ua faaaui oia iana iho; ia roroa iti ae ra, ia horohoro hia te toto i nia i te upoo, e ia hohio maite hia e na taote, itea maitai hia tura e, na vetahi e oia i taparabi, ua itea hoi te parari rarahi i nia i te upoo; i te tumu taria, e te rahira hia.

I te ite raa ia hoi te Tavana, e ua rave hia tei reira hara rahi riarira i Papeete nei, ua faaue oia i te feia toroa toa, e e imi maite i taua hia ra, tiae hoi te itea noa hia e te taata i rave i taua hia ra.

Ua itea toa hia hoi tehoe rera i raro ae ia Hutona o tei itea maitai hia, e na ite e raverahi, e e ere mau i ta Hutona; ua pau atoa hoi tana moni i te eia hia.

Tehoe ra taata baralane o Jackson te ioa, tei manao rii hia i te matamua, e ua rave i taua ino rahi ra; no te mea, o oia tei itea i reira i te hora 11 i te ahia i o te po i pohe ai Hutona; oia toa hoi te haere pinepine i reira i te mau mahana toa; ua ui hia oia, e ua imi maite atoa hia hoi tona fare, tiae hoi te itea noa hia i te hoe mea iti ae, e itea i te taata mau i taparabi; aita roa tu ra i manua noa hia e i taua mahana ra.

Ia poipoi ae ra, ia itea tehoe rera i tona fare, mai te rera mau a i pohe ai Hutona ra te huru; ua faaite maira o Jackson; e nana te rera i itea i raro ae ia Hutona, ua toroa hia tu hoi e ana ia Hutona ra i te monire i mua e i tona pohe ra; ia faaite mai oia i tei reira parau, tupu maite ae ra te manao o te taata, e nana mau a i taparabi, e ua tapea hia tura oia i te auri i reira ra.

Ua rau aenei hoi tona ui raa hia, aita roa tu ra oia i faipua e. Ia poipoi ae hoi, itea toa hia tura te pute moni i tona pae fare, ma te ioa o Hutona i nia iho, te hunahuna noa nei a ra oia, ma te parau e, e moni horoa hia tu ia e Hutona, ei hoo i te pahi.

Ei na mahana i mua nei, e haava hiai oia, e ore hoi te hara rarahi riarira, mai tei reira te huru, e tia ia faaherehere.

E taata here rahi hia hoi taua taata nei e Hutona, mai te taata mau nona iho te huru; ua horoa toa tu hoi Hutona i te moni nana, ia ati oia i te veve ra; e i naha i te pari hia nei oia e, ua taparabi i te taata i hamani maitai atu iana.

Ua itea toa hia hoi i pihaiho i te tino o Hu-

tona tehoe hamana, ua viivii roa i te toto; e te vai nei a hoi te parau e raverahi, e itea maitai hiai e, o Jackson mau a te taata i taparabi, Tei te feia haava ra te imi i tei reira vahi, e tei ia ratou atoa hoi te faatua tu iana, ma te au i tana hara.

INO RABI HAAMA I RAVE HIA I TARAVAO

I na mahana matamua no teienei avae, ua rave hia tehoe ino rahi haama i Taravao, ua rahi roa te taero o te mau mutoi, e ua rave ratou i te mau peu haama e te faufau. Ua papai mai te raaira i Taravao i te rata i te Tavana nei, i te faaite raa mai iana i te huru e tana moni, e ua faaue ature te Tavana i te Toohitu ra ia Ote, e e imi maitai iho, e e faatua i te feia i harahia. O te mau mutoi no Toahotu, no Vairoa, no Mataaoe, e no Teahupoo tei pari hia, ua imi maitai o Ote, e itea hia tura e, toopae i harahia, o Urareva, mutoi no Toahotu; o Araveau, o Mairabi, e o Tinomana, na mutoi no Vairoa; e o Temaitipu, mutoi no Teahupoo; ua haava hia ratou, e ua faatua hia i nia i te irava 4 o te ture V. Ua faaore ana hia to ratou mau toroa e te Tavana, e i na mahana i mua nei e maitai hia i te taata ei mono ia ratou.

Iriti raa i te Apoo raa iriti raa ture.

Ei te faaire, te 26 no teienei avae, mai tei faaite hia tu hoi i roto i te Vea ra, ei reira te haaputupu raa matamua, ei maitai raa i te perititini e te mau papai parau matamua, e te feia iriti ture hoi tina ahuru, o te faarerei i te Arii vahine e te Auvaha o te Repupirita, i te uputa o te fare pure raa.

Te ani hia tu nei te feia iriti ture, e e iaio faahou i te Vea no te mahana 13 no feppure, ei reira ratou e ite ai i te huru o te mau haapao raa no te Apoo raa iriti raa ture.

Te faaite hia tu nei ra i teienei, e i roto i te fare pure raa, iriti hia i te Apoo raa iriti raa ture, mai tei rave hia hoi i mutaaio ra.

Te mau haaputupu raa ra i muri ae, no te mea hoi e, aita tu e fare, ei roto ia i te fare vai raa pupuhi a te mau faahan pupuhi fenua; te fare ei reira toha hia te re na te mau tamarii haapii.

E faareiti hahai roa hoi; aita i itea te o maitai raa te rahi atoa o te feia iriti ture i roto, peapea tura ra hoi te Tavana i teienei, no te mea ua pau aenei te fare apoo raa tahito ra i te auahi, e aita tu na e fare e ae i teienei.

O te feia iriti ture hoi no Paumotu, o tei faaite hia te ioa i raro ae nei, e faad atoa hia ratou i rotopu i te feia iriti ture, e te mau Tavana, e te Toohitu atoa hoi.

Ioa o te fe a iriti ture no Paumotu.

TEINA. Auvaha no Paumotu.

TEPEVA. Tavana rahi no te fenua Paumotu, e motu i Toau haere roa i e Hiao.

Matacinnaa ra o Tuuhora.

Aita i tae mai.

Matacinnaa ra o Temarie.

Tiririba	Tavana.
Metuabuna	Toohitu.
Taihanga	Iriti ture.

Matacinnaa ra o Tepiti.

Puhara	Toohitu.
Tuaira	Iriti ture.
Ravini	Iriti ture.

Matacinnaa ra o Putuakara.

Matohi	Tavana taaturu.
Taneopu	Iriti ture.

Matacinnaa ra o Tekahora.

Anahoa	Tavana.
Tomatai.	Iriti ture.

Matacinnaa ra o Tematahoa.

Tetauputu	Tavana.
Taaroa	Toohitu.
Vairaa e	Iriti ture.

Faite.

Tepeva	Tavana rahi.
Teraopapa	Iriti ture.
Tehiva.	Iriti ture.

<i>Faarava.</i>	
Tapaiaha	Tavaha.
Aron	Tavana.
Rareva	Toohitu.
Tohauga	Iriti ture.
Fanaupohi	Iriti ture.
Roi	Iriti ture.
<i>Makemo.</i>	
Tavaha	Toohitu.
Panuroa	Iriti ture.
<i>Maotea.</i>	
Pafala	Iriti ture.
Tuahine	Iriti ture.

TUHA RAA RE.

Ei teienei mahana e tuha hiai te mau re. E haapao maite te mau tamaru e te mau orometua i tei faaite hia i roto i te *Vea* no te mahana 13 no Tepuare e tiai.

E roohia 'tu e te mau tamaru i roto i te fare vai 'raa pupuhi a te mau faahau pupuhi fenua, te puta, te pepa, te inia, te peni, te penitara, etc.

PAHA PUAHOROFENUA A TE RAU.

Te faaite hia 'tu nei to Papaoo, e ia tae i te mahana monire i mua nei, e tia ia ratou ia aratai mai, tai hoe maiaa puahorofenua i te mahana hoe.

L. L.

NO TE TAOA A HUTONA

TEI POHE I TE MAHANA 18 NO TEIENEI AVAE.

Te mau taata toa, e tarahu ta Hutona ia ratou ra, te parāu hia 'tu nei ratou e, e aufau oioi i tana mau tarahu fa i teienei a tau mahana. O te mau taata hoi, e tārā u ta ratou ia Hutona ra, e haapeepée mai ratou i teienei a tau mahana, e faaite i te fare o te Tonitara Baratane ra.